

民國文獻資料叢編

民國
舊體詩詞
期刊三種

南江濤
選編

國家圖書館出版社

南江濤 選編

民國舊體詩詞期刊三種

第七冊

國家圖書館出版社

北京餘園詩社 輯

雅言

辛巳卷三——卷十二

北京：雅言社，1941—1942，鉛印本

第七册目錄

雅言 辛巳卷三	一九四一年	一
雅言 辛巳卷四	一九四一年	八一
雅言 辛巳卷五	一九四一年	一六一
雅言 辛巳卷六	一九四一年	二三一
雅言 辛巳卷七	一九四一年	二八七
雅言 辛巳卷八、九	一九四一年	三三九
雅言 辛巳卷十	一九四一年	四二五
雅言 辛巳卷十一、十二	一九四一年	五二五

雅言

集漢張遷碑

辛巳卷三

叙例

永歌言志。肇自虞書。緝頌制詩。昉乎公旦。歲歷縣曖。條流遂紛。斧藻羣言。厥惟蕭選。古詩之賦。全取其名。衆制之中。兼包各體。凡事出沈思。義歸翰藻。皆與篇什雜而集之。後世總集。濫觴於此。間氣英靈八種。選自唐賢。羣公衆芳。諸編行於宋代。河間四庫。嗤爲標榜之先驅。邗上題襟。謂補前人之墜典。臧否雖殊。別裁則一。今之雜誌。具體而微矣。乃者歲當龍尾。家握蛇珠。性靈多陶冶之資。聲氣叶應求之雅。草堂雲壑。與世相忘。吟社月泉。其人宛在。加以西崑南嶽。竝著倡酬。北地東溟。爭圖主客。元音所萃。正軌斯存。不有縹囊。曷羅細帙。爰成小牘。冀尉鉅觀。甄采限於時流。蒐討及乎故事。遺編可錄。類沅湘耆獻之徵。名下非虛。傳湖海詩文之作。爲疏短引。略紀大凡。

一是編爲北京餘園詩社所緝。洙泗之教。詩與書禮。竝屬雅言。而詩爲稱首。故以雅言標目。

一是編雖以詩爲主。但有專門以盡其長。亦宜博涉以昭其趣。凡題跋遊記之屬。有資考古。不厭多聞。如有佳文。亦當采錄。

牙言卷二
一自來別集編次。皆詩先於文。茲從其例。以篇什居先。文辭列後。
一是編所錄。多屬時賢。詩與史通。不嫌斷代。文以會友。常有同情。
一是編詩文。雖限時賢。然或掌故記述。事物源流。亦須兼采前脩之作。以資商榷。
一是編自庚辰年正月。起月刊一冊。年爲十有二冊。如有鴻篇鉅製。可單行者。隨時
別出。用爲特刊。

雅言卷三目錄

詩錄

詞錄

文錄

藏園漫稿

藏園羣書題記

把酒祝東風。種出雙紅豆圖詠

詩錄

陳君小湖居金陵小倉山下以三月二日爲袁隨園作掃墓會介穎人索

詩成二十八韻

枝巢

金陵我故里。風物麗且都。典午過江來。名士如鯽魚。遙遙千餘祀。寓公實有徒。極盛在明代。縣延及清初。嘉賓旣戾止。樂此恆卜居。琴隱與四松。名存迹已逋。

袁侯長畿縣。文教曾覃敷。結廬小倉山。不復思西湖。僑郡若王顏。東晉王顏諸族皆依僑郡

爲金陵人聯姻及汪吳。隨園相攸得六合汪氏江寧吳氏吳即向至今延陵家。猶有

隨園圖。壇坫數十年。照映東南隅。魂魄猶樂此。朱邑葬桐廬。厥嗣通與遲。宦游

寄巴渝。隨園初嗣兄子曰通晚年得子曰子孫漸零落。亭館皆荒蕪。昔過乾河

沿。憑弔爲欷歔。倉山之旁曰乾河地固因人傳。不隨桑海枯。春風依然來。良會

不可呼。倉山山下草。曾作文茵鋪。嗟余滯燕北。四十五歲徂。先隴不得展。奚暇

來式閭。昔因太邱墓。千里歸上書。昔歲因陳雨師墓將爲住宅區南短碣未遑

歸請於官以通儒邱隴得保存

立。規灰變須臾。彈指纔五年。城郭人民殊。袁絲我心折。推挹多顧厨。惜哉不同時。中原難并驅。北客憶南枝。余構南枝巢至今未歸樓欲往心踟躕。杏花濕春雨。歸棹終徐徐。

正月十六日雨後簡元夕會飲諸公

釋 戡

上元月鋪銀。朔吹送宵冷。商燈集歡侶。巡簷輒縮頸。凌晨風頓和。膏雨作春靚。園林新沐餘。松石意逾靜。禽言隱竹陰。苔氣盎槐癭。池成思引泉。積潦忽沒脛。呼僮拾綵勝。浮水當舴艋。繽紛落岸梅。彷彿桃源境。道人午睡足。聊此事幽屏。平生百無成。一壑專天幸。春來花滿谿。排日可酩酊。爲報素心人。莫待鸝三請。

立春後八日大風雪

釋 戡

一冬燠不雨。孕此春後雪。谿山信鷺淨。畎畝久龜裂。坐令田居人。對雪亦咄咄。吾園新種松。龍拏出巖穴。風摧雪復壓。勢欲肱三折。紅梅乍放蕊。攬以瓊瑤屑。朝曦縱解凍。豔色恐終奪。修篁盡偃僂。飢羽偶出沒。悲鳴苦向我。生事吾素拙。

三年歷喪亂。斗米緡千結。爨餘歲弗登。疲氓命真絕。沈吟還語誰。騷屑晚益烈。

閒居禮佛作 六首

齊州女布衣

我本葛帔子。少小辭萱堂。乞食於南北。老歸山海鄉。盈庭有芳樹。衿懷難悅康。詔僕駕颿車。馳驅海岸旁。當海忽有悟。塵世皆無常。波濤望浩淼。所願登慈航。孔孟我所仰。釋迦我所歸。仁義道既喪。出世塞其悲。所慙道力淺。天花時綴衣。悲涕從座起。偏袒袈裟披。恭敬白佛言。覺路心所期。揚綸拂天花。謝向靈山飛。我實澹定人。超然六合外。几席有繁錦。庭戶羅嘉卉。勉作優美觀。藉以不枯敗。佛祖稱莊嚴。瓔珞亦須賴。全身已字胸。恭敬世所拜。雖在凡世子。襤褸亦應戒。法輪果何在。在意自常轉。所轉向何方。淨域心自選。緬彼功德水。寶池自充滿。緬彼妙蓮華。色放無深淺。黃金更布地。燦耀人天眼。佛祖自來臨。法衣拂地展。在後我侍行。趨步無遲緩。西土號極樂。云何不知返。

衆籟夕已寂。海月亦西沉。意緒忽潮起。何以制來侵。惟應蒲坐上。黃冠俯宵深。

百念無復有。雪山四圍明。耳觀獨不滅。希爾迦陵音。迦陵遠難至。音響幻余心。禮佛燒旃檀。連環篆烟斜。掩關方入定。一室寂無譁。金經滿石牀。屏障當窗紗。自謂五蘊空。不起恆河沙。春風一飄蕩。心意忽紛拏。色相未破執。慙媿披丹袈。携鋤下山庭。白種簷蔔花。

辛巳元旦初吉走筆誌懷

友鄉

寄生於道塗。歸死於禹穴。取誚江潭翁。覬傲汨淵節。悲哉當澆世。邦沒識時傑。周黨似浮雲。蔑然蔽明哲。椒蘭傷自焚。馨木惜先折。中野滿夷羊。玉階鳴鳩鳩。誓盟欲拂姦。諫諍奈媒拙。奏凱卽巴歌。失功眞白雪。長吁辭北都。潛翳請年閱。所愧抱鴻圖。未知安蹇劣。躬耕梁父吟。假日九歌悅。春氣八紘濃。心與梅並潔。

新民健兒歌

愚山

蘆溝曉月淡如夢。河水悠悠萬古流。忽驚橋畔角聲起。自是中原生百憂。雁行亂處天風怒。華北山河悲勁秋。誰樹長計救黎庶。請見新民健兒儔。挺身涉嶮

說反共。短簑冒危諡寇讐。君不聞晁卿忠誠傲王侯。又不聞徐福埋骨東海頭。
吾曹元是千年交。脣齒輔車護金甌。如今弱肉強食場。勿使洋夷飽膳羞。希捐
小異就大同。宣揚道義壯皇猷。

辛巳上巳稷集畫舫齋分得揮字

枝 巢

年年望春春總歸。信哉造化無滯機。舊京節序鮮或違。春陰忽復開晴暉。老來
畏寒恆自譏。如蠶出繭鷹脫鞵。有舫長泊依釣磯。帆楫不具風波微。方池如鑑
臨朱扉。嗟嗟已見游魚肥。呼朋同浣滯塵衣。獨陳三願非祥譏。一願老健無病
痲。二願兒女長相依。三願尤切夙所祈。文能易米療凋饑。其餘世事是與非。自
有巨腕來指揮。人生七十今非稀。蒼松結契皆成圍。半園八二甯可係。下筆猶
成散珠璣。羣公玉屑同霏霏。臨流把盞逸興飛。日斜歸去歌浴沂。衰顏醉映山
桃緋。

北海修禊分韻得迴字用昌黎感春詩體作二首

退 翁

櫻杏未綻山桃催清波蘸岸春已迴九城車馬喧晝夜惟有此地無塵埃良辰
禊集日方午殿塔坐對何崔嵬閒吟且喜獲儔侶鬱鬱孤懷聊爲開

方池泛綠如醲醑芳厨行炙傳輕杯禁苑賜居古未有

其地俗呼狀元府爲康熙時蔡升元賜第苑西

雜詠載得恩波天上住鏡湖不羨賀知章即指此也

庭柯怪石餘莓苔舊游幾輩已陳迹堂堂白日去不

迴人間何處得淨土秉蘭之祓胡爲哉

次和琴石同年止酒詩用放翁韻

巨溟

錚錚佼佼哉是翁才兼陸九與歐九設逢唐宋文教時必爲旋乾轉坤手天胡
生才復阨才掃魔不予垂雲帚醴泉權作小諸侯拋卻黃封曜紅友興來邀月
雲爲開一石不醉况一斗近云微疾示維摩此關造化屈伸肘因之止酒得毋
迂勸君勿噤銜杯口浮生百歲幾須臾惟有酒人名不朽

琴石意偶不憚再用前韻慰之

巨溟

寸心不罣去來今焉知世運厄陽九造化小兒慣弄人一治一亂翻覆手治則

龍見亂則潛。杜門可享千金帚。偶開頤社集耆英。中有建安一畏友。詩成才氣凌滄洲。無人敢與競八斗。邇來無病忽呻吟。烏雀巢肩柏生肘。昔也何達今何癡。坐令孫楚笑喎口。丈夫事業在千秋。願君還策三不朽。

病起三用前韻簡琴石

巨溟

卅年祈死死更生。鎖日鑽一或觀九。每思拋卷入空門。訪舍利子一携手。鈍根未解誦真言。若不忘君便忘帚。蹉跎蹉跎七一秋。松子爲糧樹爲友。眼中多少錦衣人。腰懸金印大如斗。吾非惡此而逃之。支遁愧無連化肘。學佛學宦兩不能。微生祇合守鷄口。嶙峋病骨偃在床。幸有蚋蚋時護朽。

哀時四用前韻簡琴石

巨溟

無端世界走龍蛇。十室空者寧僅九。是豈上蒼降鞠凶。人謀鬼謀太放手。六合今已彌妖氛。問誰可揮掃天帚。從古撥亂在得民。一轉移閒敵皆友。果能好惡與民同。衆志成城勝刁斗。國無內患立斯立。何物外侮敢掣肘。從衡捭闔夫何

爲興戎多出儀秦口。請看亭長約法三。殪楚殲秦如拉朽。

西夏懷古

階青

西夏立國之久遠逾五代以遐。陬偏霸抗中原。龍戰之師保茲戎索。亦有足多者。祇以書不同文。難徵蕃史。遂致社屋陰沈。銷同燭火。秋窗多暇。偶綴拾其瑣聞賦詩十章爲詠史者履齒所罕及也。

風連西極雁橫天。禿髮君臣割據偏。萬甲排鱗開朔漠。重關飛牡瞰綏延。掌珠讚佛三千界。玉璽傳家二百年。蕃史未能存漢體。沈淪宗國竟如烟。

孤軍百戰啓山林。鐵鶴猶堪斷鏃尋。精騎久推瓜肅宥。偏隅橫抗宋遼金。圖書盡易中原字。笳鼓喧騰大漠音。誰與霸朝徵信史。張陳遺簡待鈎沈。

青岡千仞壓洮河。朔吹如聞敕勒歌。唐俗至今工擊缶。胡兒生小愛橫戈。雲邊銀鐫摩蒼鵠。雪裏茸裘走白駝。沙磧開荒知不易。牛羊萬點滿山阿。

高秋老上啓龍庭。酋長聯班弁列星。匣裏金牋頒姓氏。帳前簫管嫁娉婷。佐觴

大釜鮮熊白。行爵名王帽鼠青。同是天驕悲漠北。荒沙千里走哀丁。

定難軍符賜保忠。神堆遺寨想英風。葭蘆水闊沙狐浴。苜蓿秋高代馬雄。堂印早封班定遠。奇珍新賜竇安豐。微聞廷議珠崖棄。翻詔車書德化同。

里奴妹勒領諸酋。鐵鷁營屯據上游。天際河源通磧石。馬前山勢拓秦州。鹽花青白三邊布。柳葉紅黃九塞秋。聞道金盤尊聖母。西平高爵儼垂旒。

蒸土嵯峨統萬城。羌童猶震赫連名。黃河凍合朝傳箭。黑水波翻夜勒兵。滾雪刀光迎使節。燒雲燈火擁連營。賀蘭山下西風急。尙作驚天玉弩聲。

敦煌烽接玉關秋。北部天山指顧收。嘯哨弓刀徵宿將。飛揚旄鉞鎮諸侯。瓜沙驛遞來青鵲。斤澤霜高控紫騮。卻喜井華新汲處。曉風殘月譜清謳。

諜報宵馳羽檄催。中朝韓范又登壇。將星當道孤隄立。夜雪平原萬馬來。通遠十年征繕苦。曩霄五路戰場開。枉勞清酒黃龍誓。莽莽沙蟲刦燒哀。

興州宮闕化寒烟。鼙鼓驚傳失鹿年。賸有感通留漢碣。更無銖兩論蕃錢。紅妝